



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1894/11
Sarajevo, 28.10.2011. godine

01/2-50-1

28-10-2011

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 31.10.2011			
Organizaciona jedinica	Klasifikaciona oznaka	Redni broj	Broj priloga
01-50-1-11-2/V			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 165. sjednici održanoj 26.10.2011. godine, utvrdilo je Odgovor na pitanje koje je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U prilogu prosjeđujemo Odgovor radi njegovog dostavljanja zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 06-50-1-1808/11
Sarajevo, 26.10.2011. godine

Gospođa Nermina Zaimović Uzunović, poslanica u Predstavničkom domu Parlamentarne skupštine Bosne i Hercegovine, na 9. sjednici Predstavničkog doma, održanoj 08.09.2011. godine, postavila je sljedeća pitanja:

- 1. “ Da li je istina da se u Brčko Distriktu planira otvaranje nekoliko univerziteta u istom danu?**
- 2. Koliko državne institucije mogu da kontroliraju procese u visokom obrazovanju, posebno pri širenju mreže visokog obrazovanja, bez obzira što je potpuno poznato šta su entitetske odnosno kantonalne nadležnosti kad je u pitanju visoko obrazovanje ?**
- 3. Šta konkretno treba uraditi da bi se ovaj proces mogao kontrolirati i da bi se mogli ispunjavati zakonom propisani uslovi za otvaranje univerziteta? “**

Na postavljena poslanička pitanja Vijeće ministara je na 165. sjednici, održanoj 26. 10. 2011. godine, utvrdilo sljedeći

ODGOVOR

Prema informacijama koje smo dobili u Vladi Brčko distrikta BiH - Odjeljenju za obrazovanje, Skupština Brčko distrikta BiH je prihvatila 10 elaborata o opravdanosti osnivanja visokoškolskih ustanova, od čega su njih četiri (dva univerziteta i dvije visoke škole) u fazi priprema za licenciranje (Vlada je u tom cilju zatražila pomoć od Agencije za razvoj visokog obrazovanja i osiguranje kvaliteta), a ostali su u nižim fazama pripreme.

Prema ustavnom ustrojstvu naše zemlje, Republika Srpska, deset kantona i Distrikt Brčko imaju potpunu nadležnost u oblasti cjelokupnog obrazovanja, pa tako i visokog obrazovanja. Svaka od navedenih nadležnih vlasti ima vlastito ministarstvo obrazovanja i svoje zakone o visokom obrazovanju, u kojima su regulisana i pitanja o uslovima za otvaranje visokoškolskih ustanova, kao i način kontrole i zapriječene sankcije u slučaju kršenja zakona.

Sukladno ustavnom ustrojstvu, ni jedno državno ministarstvo ni agencija za obrazovanje formirana na državnom nivou nemaju mandat kontrole nad radom nadležnih obrazovnih vlasti, pa tako ni pravo da kontrolišu njihovu mrežu visokoškolskih ustanova.

Prema članu 48. Okvirnog zakona o visokom obrazovanju u BiH („Službeni glasnik BiH“ br. 59/07 i 59/09), Agencija za razvoj visokog obrazovanja i osiguranje kvaliteta je nadležna za donošenje normi kojima se određuju minimalni standardi u oblasti visokog obrazovanja, te za

davanje preporuka nadležnim obrazovnim vlastima o kriterijima za licenciranje visokoškolskih ustanova i studijskih programa, kao i za davanje preporuka o kriterijima i standardima za osnivanje i zatvaranje visokoškolskih ustanova..
Tri dokumenta kojim se regulišu navedena pitanja su u fazi pripreme u Agenciji.